

岑嘉州詩

四部叢刊初編集部

上海商務印書館縮印
蕭山朱氏藏明正德本

岑嘉州詩集序

自古文體變易多矣梁簡文帝及庾信之屬始為輕浮綺靡之詞名曰宮體自後齊梁務於妖艷謂之摘錦布繡焉其有敦尚風格頗存規正者不復為當時所重諷諫比興由是廢缺物極則變理之常也聖唐受命斷雕為朴開元之際王綱復舉淺薄之風茲馬漸華其時作者凡十數輩頗能以雅參麗以古雜今彬彬然粲然近建安之遺範矣南陽岑公聲稱尤著公諱參代為本州冠族魯大父文本大父長倩伯父羲皆以學術德望官至台輔早歲孤貧能自砥礪徧覽史籍尤工綴文屬辭尚清用意尚切其有所得多入佳境迴拔孤秀出於常情每一篇絕筆則人人傳寫雖閭里士庶戎夷蠻貊莫不誦誦吟習焉時議擬公於吳均何遜亦可謂精當矣天寶三載進士高第解褐右內率府兵曹參軍轉右威衛錄事參軍又遷大理評事兼監察御史充安西節度判官入為右補闕頻上封章指述權倖改為起居郎尋出錦州長史又

一作世

改太子中允兼殿中侍御史充關西節度判官聖上潛龍藩邸總戎陝服參佐僚史皆一時之選由是委公以書奏之任入為祠部考功二員外郎轉虞部庫部二正郎又出為嘉州刺史副元帥相國杜公鴻漸表公職方郎中兼侍御史列為幕府無幾使罷寓居於蜀時西川節度因亂受職本非朝旨其部統之內文武衣冠附會阿諛以求自結皆曰中原多故劍外少康可以庇躬無暇向關公乃著招蜀客歸一篇錄此申明逆順之理抑挫佞邪之計有識者感嘆姦謀者慚沮播德澤於深益暢皇風於邛笮旋軫有日犯軼俟時吉往西歸嗚呼不歲月逾邁殆三十年嗣子佐公復纂前緒亦以文采登名翰場故公遺文貯之篋篋以確接通家餘烈忝同聲後輩命編次因令錄錄區分類聚勒成八卷倘後之詞人有所觀覽亦由於廣樂者識清商之韻遊名山者仰翠微之色足以瑩徹心府發揮高致焉京兆杜確序

岑嘉州詩集序

自古文體變易多矣梁簡文帝及庾信輩之屬始為輕浮綺靡之詞名曰宮體自後漢魏務於妖艷謂之摘錦布繡焉其有敦尚風格頗存規正者不復為當時所重諷諫比興由是廢缺物極則變理之常也聖唐受命斷雕為朴開元之際王綱復舉淺薄之風茲焉漸革其時作者凡十數輩頗能以雅參麗以古雜今彬彬然粲粲然近建安之遺範矣南陽岑公聲稱尤著公諱參代為本州冠族魯大父文本大父長倩伯父羲皆以學術德望官至台輔早歲孤貧能自砥礪偏覽史籍尤工綴文屬辭尚清用意尚切其有所得多入佳境迴拔孤秀出於常情每一篇絕筆則人人倚寫雖閭里士庶戎夷蠻貊莫不諷誦吟習焉時議擬公於吳均何遜亦可謂精當矣天寶三載進士高第解褐右內率府兵曹參軍轉右威衛錄事參軍又遷大理評事兼監察御史充安西節度判官入為右補闕頻上封章指述權佞改為起居郎尋出錦州長史又

嘸一併

改太子中允兼殿中侍御史充開西節度判
官聖上潛龍藩邸總戎陝服叅佐僚史皆一
時之選由是委公以書奏之任入為祠部考
功二員外郎轉虞部庫部二正郎又出為嘉
州刺史副元帥相國杜公鴻漸表公職方郎
中兼侍御史列為幕府無幾使罷寓居於蜀
時西川節度因亂受職本非朝旨其部統之
內文武衣冠附會阿諛以求自結皆曰中原
多故劍外少康可以庇躬無暇向關公乃著
招蜀客歸一篇雖此申明逆順之理抑挫佞
邪之計有識者感嘆姦謀者慚沮播德澤於
深益暢皇風於坤燮旋軫有日犯軼俟時吉
往而歸嗚呼不歲月逾邁殆三十年嗣子
佐公復纂前緒亦以文米登名翰場收公遺
文貯之篋篋以碑接通家餘烈忝同聲後筆
命編次因令繕錄區分類聚勒成八卷倘後
之詞人有所觀覽亦由聆廣樂者識清高之
韻遊名山者仰翠微之色足以瑩徹心府發
揮高致焉京兆杜確序

岑嘉州詩卷之

五言古詩

九

送許子擢第歸江寧拜親因寄王大

昌齡

建業控京口金陵款滄溟君家臨秦淮傍對

石頭城十年自勤學一鼓遊上京青春登甲

科動地聞香名解褐皆五侯結交盡群英六

月槐花飛忽思葦萊跨馬出國門丹陽返

柴荆楚雲引歸帆淮水浮客程到家拜親時

入門有光榮鄉人盡來賀置酒相邀迎開眺

北顧樓醉眠湖上亭月從海門出照見茅山

青昔為帝王州今幸天地平五朝變人世千

載空江聲玄元告靈符丹洞獲其銘皇帝受

玉冊群臣羅天庭喜氣薄太陽祥光徹宵冥

奔走朝萬國前騰集百靈王兄尚謫宦屢見

秋雲生孤城帶後湖心與湖水清一縣無諍

辭有時開道經黃鶴重兩翅徘徊但悲鳴相

思不可見空望牛女星

武威送劉單判官赴安西行營便呈

高開府

一作情

一作卷

熱海亘鐵門火山赫金方白草磨天涯胡沙

奔茫茫夫子佐戎幕其鋒利如霜中歲學兵

符不能守文章功業湏及時立身有行藏男

兒感忠義萬里忘越鄉孟夏邊候遲胡國草

木長馬疾過飛鳥天窮超夕陽都護新出師

五月發軍裝甲兵二百萬鎔落黃金光揚旗

拂崑崙伐鼓振蒲昌太白引官軍天威臨大

荒西望雲似蛇戎夷知喪亡渾驅大宛馬繫

取樓蘭王曾到交河城風土斷人腸塞驛遠

如點邊烽互相望赤亭多飄風鼓怒不可當

有時無人行沙石亂飄揚夜靜天蕭條鬼哭

夾道傍地上多觸骸骨是古戰場置酒高館

夕邊城月蒼蒼軍中宰肥牛堂上羅羽觴紅

淚金燭盤嬌歌艷新妝望君仰青冥短翮難

可翔蒼然西郊道握手何慨慷

送王大昌齡赴江寧

對酒寂不語悵然悲送君明時未得用白首

徒攻文澤國從一官滄波幾千里群公滿天

闕獨去過淮水舊家富春渚常憶卧江樓自

聞君欲行頗望南徐州窮巷獨閉門寒燈靜

鶴作詩

深屋北風吹微雪袍被育同宿君行到京口
正是桃花時舟中饒孤興湖上多新詩港虬
且深蟠黃鶴飛來晚惜君青雲器努力加餐
飯

送祁樂歸河東

溫一作韋
還一作送

一作開江
風又云開江

一作為謝
五老翁

祁樂后來秀挺身出河東往年詣驪山獻賦
溫泉宮天子不召見揮鞭遂從戎前月選長
安囊中金已空有時忽乘興畫出江上峯牀
頭蒼梧雲簾下天台松忽如高堂上颯颯生
清風五月火雲屯氣燒天地紅鳥且不敢飛
子行如轉蓬少華與首陽隔河勢爭雄新月
河上出清光滿闕中置酒灞亭別高歌披心
曾君到故山時為吾謝老翁

北庭貽宗學士道別

萬事不可料歎君在軍中讀書破萬卷何事
來從戎曾逐李輕車西征出太蒙荷戈月窟
外環甲崑崙東兩度皆破胡朝廷輕戰功十
年抵一命萬里如飄蓬客鬢老胡塵木表脆
邊風忽來輪臺下相見披心曾飲酒對春草
彈碁聞夜鐘今且還龜茲臂上懸角弓平沙

夕一作石

向旅館匹馬隨飛鴻孤城倚大磧海氣迎邊
空四月猶自寒天山雪濛濛君有賢主將何
謂泣途窮時未整六翮一舉凌蒼穹

送許拾遺恩歸江寧拜親

詔書下青瑣駟馬還吳州束帛仍賜衣恩波
漲滄流微祿將及親向家非遠遊看君五十
米不謝萬戶侯適出西掖垣如到南徐州歸
心望海日鄉夢登江樓大江盤金陵諸山橫
石頭楓樹隱茅屋橘林繫漁舟種藥疏故畦
釣魚垂舊鉤對月京口夕觀濤海門秋天子
憐諫官論事不可休早來丹雘下高駕無淹
留

號州郡齋南池幽興閣二侍御道別
時任號州長史

池色淨天碧水涼雨淒淒快風從東南荷葉
翻向西性本愛魚鳥未能返巖溪中歲徇微
官遂令心賞睽及茲佐山郡不異尋幽樓小
吏趨竹逕訟庭侵藥畦胡塵暗河洛二陝震
鼓輦故人佐戎軒逸翮凌雲霓行軍在函谷
兩度聞鶯啼相看紅旗下飲酒白日低聞君

欲朝天駟馬臨道嘶仰望浮與沉忽如雲與
泥夜眠驛樓月曉發開城難惆悵西郊暮卿
書對君題

送青龍招提歸一上人遠遊吳楚別
詩

父交應真侶最歎青龍僧棄官向二年削髮
歸一乘了然瑩心身潔念樂空寂名香泛憲
戶幽磬清曉夕往年杖一劍由是佐二庭於
馬久從戎燕復解論兵世人猶未知天子願
相見朝從青蓮宇暮入白虎殿宮女繫錫杖
御筵出香爐說法開藏經論邊窮障國忘機
厭塵喧浪迹向江海思師石可訪惠遠峯猶
在今旦飛錫去何時持鉢還湖煙冷吳門淮
月銜楚山一身如浮雲萬里過江水相思渺
天外南望無窮已

送李翥遊江外

相識應十載見君只一官家貧祿尚薄霜降
衣仍單惆悵秋草死蕭條芳歲闌且尋滄洲
路遙指吳雲端匹馬關塞遠孤舟江海寬夜
眠楚煙濕曉飯湖山寒砧淨紅鱸落袖香未

橘園帆前見禹廟枕底聞嚴灘便獲賞心趣
豈歌行路難青門須醉別少為解征鞍

送王著赴淮西幕府作

燕子與伯勞一西復一東天空信寥廓翔集
何時同知已悵難遇良朋非易逢恰君心相
親與我家又通言笑日無度書劄凡幾封湛
湛萬頃陂森森千丈松不知有機巧無事干
心曾滿堂皆酒徒豈復羨王公早年抱將略
累歲依幕中昨者從淮西歸未奏邊功衆恩
長樂殿醉出明光宮逆旅悲寒蟬客夢驚飛
鴻發家見春草却去聞秋風月色冷楚城淮
光遠霜空各自務功業當須激深衷別後能
相思何嗟山萬重

送張秘書克劉相公通汴河判官便

赴江外覲省

前年見君時見君正泥蟻去年見君處見君
已風搏朝趨赤墀前高視青雲端新登麒麟
閣適脫獬豸冠劉公領舟楫汴水揚波瀾萬
里江海通九州天地寬昨夜動使星今旦送
征鞍老親在吳郡令弟雙同官鱸膾刺堪憶

簞羹殊可餐既參幕中畫履展膝下驢因送
故人行試歌行路難何處路最難最難在長
安長安多權貴珂珮聲珊珊儒生直如弦權
貴不須干斗酒取一醉孤瑟為君彈臨岐欲
有贈持以握中蘭

冬宵家會餞李即司兵赴同州

急管雜青絲玉瓶屈金危寒天高堂夜撲地
飛雪時賀君關西掾新綬腰下垂白面皇家
即逸翮青雲安明旦之官去他辰良會稀惜
別冬夜短務歡極行遲季女由自小老夫未
令歸且看疋馬行不得鳴鳳飛昔歲到馮翊
人煙接京師曾上月樓頭遙見西嶽祠沙苑
逼官舍蓮峯壓城池多暇或自公讀書復彈
棋州縣信徒勞雲霄亦可期應須力為政聊
慰此相思

送顏平原

并序

十二年春有詔補尚書十數公為郡守上
親賦詩觴群公宴于蓬萊前殿仍錫以綰
帛寵餞加等參羨公是行為寵別章句
天子念黎庶詔書換諸侯仙即授劄符華省

輒分憂置酒會前殿賜錢若山丘天章降三
光聖澤該九州吾兄鎮河朔拜命宣皇猷
馬辭國門一星東北流夏雲照銀印暑雨隨
行轡赤筆仍存篋鑪香惹衣表此地鄰東溟
孤城帶滄洲海風掣金戟導吏呼鳴騶郊原
北連燕剗初風未休魚鹽隘里巷桑柘盈田
疇為郡豈淹旬政成應未秋易俗去猛虎化
人似馴鷗蒼生已望君黃霸寧久留

送狄員外巡按西山軍

得霽字

兵馬守西山中國非得計不知何代策空使
蜀人弊八州崖谷深千里雲雪閉泉澗閣道
滑水凍繩橋脆戰士常苦饑糗糧不相繼胡
兵猶不歸空山積年歲儒生識損益言事皆
審諦伏子幕府即有謀必康濟宵中懸明鏡
照耀無巨細莫辭冒險艱可以裨節制相思
江樓夕愁見月澄霽

號州送鄭興宗弟歸扶風別廬

佐郡已三載豈能長後時出關少親友賴汝
常相隨今且忽言別愴然俱淚垂半生滄洲
意獨有青山知州縣不敢說雲霄誰敢期因

陳本作東

懷陳溪老最憶南峯縉我為多種藥還山應未遲

潼關鎮國軍句覆使院早春寄王同

州

從一作從

胡寇尚未盡大軍鎮關門旗旌遍草木兵馬如雲屯聖朝正用武諸將皆承恩不見征戰功但聞歌吹喧儒生有長策閉口不敢言昨從關東來思與故人論何為廟廊器至今居外藩黃霸寧淹留蒼生望騰騫捲簾見西岳仙掌明朝瞰昨夜聞春風戴勝過後園各自限官守何由敘涼溫離憂不可忘襟背思樹萱

青山峽口泊舟懷伏侍御

折一作作
二作離
夫一作天

峽口秋水壯沙邊且停橈奔濤振石壁峯勢如動搖九月蘆花新彌令客心焦誰念在江島故人滿天朝無虞諸心曾憂來醉能銷往來巴山道三見秋草彫伏生新相知才調凌雲霄賦詩折造化入幕生風颺把筆判甲兵戰士不敢驕皆云梁公後遇鼎還能調一別倏經時音塵殊寂寥何當見夫子不嘆鄉關

杉一作杉

寄青城龍溪真道人人精誠有缺人
五岳之丈人西望青霄雲開露崖嶠百里見石稜龍溪盤中峯上有蓮華僧絕頂小蘭若四時嵐氣凝身同雲虛無心與谿清澄涵戒龍每聽賦詩人則稱杉風吹袈裟石鐸冷孤燈久欲謝微禄誓將歸大衆願聞開士說庶以心相應

梁州對雨懷趙二秀才便呈趙大判官時疾贈余新詩

河為切山
在南山陽
縣一作陽
縣一作陽

江上雲氣黑岬山昨夜雷水惡平明飛雨從峭冢來濛濛隨風過蕭颯鳴庭槐隔簾濕衣中當暑涼幽齋翹生住相近言語阻且乖卧疾不見人午時門始開終日看本草藥苗滿前堦兄弟早有名甲科皆秀才二人事慈母不弱古老萊昨嘆攜手遲未盡平生懷愛君有佳句一日吟幾回

潼關使院懷王七季友

人一作告
榮一作景

王生今才人時輩咸所仰何當見顏色終日勞夢想驅車到關下欲往阻河廣滿目徒春

獨一作

華思君罷心實開門見太華朝日映高宇忽
覺蓮花峯別來更如長無心顧微祿有意在
獨往不負林中期終當出塵網

至大梁却寄匡城主人

一從棄魚釣十載干明王無由謁天階却欲
歸滄浪仲秋至東郡遂見天雨霜昨夜夢故
山蕙帳色已黃平明薛鐵丘薄暮遊大梁仲
秋蕭條景拔刺飛鵲鵲四郊陰氣閉萬里無
晶光長風吹白茅野火燒枯桑故人南燕吏
籍籍名更香聊以玉壺贈置之君子堂

宿華陰東郭客舍憶閬防

次舍山郭近解鞍鳴鐘時主人吹新粒行子
克夜饑闌月生首陽照見華陰祠蒼茫秋山
晦蕭瑟寒松悲久從園廬別遂與朋知辭舊
壑蘭杜晚歸軒今已遲

春遇南使貽趙知音

端居春心醉襟背思樹萱美人在南州為爾
歌北門北風吹煙物戴勝鳴中園枯楊長新
條芳草滋舊根網絲結寶琴塵埃披空樽適
遇江海信聊與南客論

清一作

郊行寄杜位

崑崙空城烟淒清寒山景秋風引歸夢昨夜
到汝潁近寺聞鐘聲肢肢見樹影所思何由
見東北徒引領

懷葉縣開操姚擴韓滅李叔齊

早空一作

數子皆故人一時吏宛葉經年總不見書札
徒滿篋斜日空半庭旋風走梨葉去君千里
地言笑何時接

初至西號官舍南池呈左右省及南

宮諸故人

黜官自西掖待罪臨下陽空積犬馬戀豈思
驚驚行素多江湖意偶佐山水鄉滿院池月
靜卷簾溪雨涼軒窗竹翠濕案牘荷花香白
鳥上衣桁青苔生筆牀數公不可見一別盡
相忘敢恨青瑣客無情華省即早年迷進退
晚節悟行藏他日能相訪嵩南舊草堂

敬謝杜華洪上見贈兼呈熊耀

杜侯實才子盛名不可及祇曾効一官今已
年四十是君同時者已有尚書郎冷君獨未
遇淹泊在他鄉我從京師來到此喜相見共

長一作

論窮途事不覺淚滿面憶昨癸未歲吾兄自江東得君江湖詩骨氣凌謝公熊生尉淇上開館常待客喜我二人來歡笑復朝夕縣樓壓春岸戴勝鳴花枝吾徒在舟中縱酒兼彈棋三月猶未還客愁滿春草賴蒙瑤花贈飄飄詠慰懷抱

酬成少尹駱谷見行呈

聞君行路難惆悵臨長衢豈不憚險艱王程刺相拘憶昨蓬萊宮新授刺史符明主仍賜衣價值千萬餘何幸承命日得與夫子俱攜手出華省連鑣赴長途五馬當路嘶按節投蜀都千崖信縈折一徑何盤紆層水滑征輪寄竹礙隼旗深林迷昏旦棧道凌空虛飛雲縮馬尾烈風聲我膚峯攢壁天小亭午見日初夜宿月近人朝行雲滿車泉澆石罅折火入松心枯亞尹同心者風流賢大夫榮祿上及親之官隨板輿高價振臺閣清詞出應徐成都春酒香且用俸錢沽浮名何足道海上堪榮樹

號中訓陝西甄判官贈

微才棄散地拙宦慙清時白髮徒自負青雲難可期胡塵暗東洛亞相方出師分陝振鼓鼙二嶠滿旌旗夫子廊廟器迥然青雲姿閭外佐戎律幕中吐兵奇前者驛使來忽枉行軍詩晝吟庭花落夜諷山月移昔君隱蘇門浪跡不可羈詔書自徵用令譽天下知別來春草長東望轉相思寂寞山城暮空聞畫角悲

過梁州奉贈張尚書大夫公

漢中二良將今昔各一時韓信此登壇尚書復來斯手把銅虎符身總文人師錯落北斗星照耀黑水瀾英雄若神授大材濟時危頃歲遇雷雲精神感靈祇勳業振青史恩德繼鴻私美虜昔未平華陽積殭屍人煙絕墟落鬼火依城池巴漢空水流衰斜惟鳥飛自公布德政此地先生輝百堵創里閭千家恤惻惻聲層城重鼓角甲士如熊羆坐笑風自調行春雨仍隨芄芄麥苗長鵲鵲桑葉肥浮客相與來群盜不敢窺何幸承嘉惠小年即相知富貴情易疎相逢心不移置酒宴高館矯歌

雜青絲錦席繡拂廬玉盤金屈厄春景透高
戟江雲簪長麾撫馬嘶柳陰美人映花枝門
傳大夫印世擁上將旗承家令名揚許國苦
節施戎幕寧久駐台階不應遲別有揮冠士
希君無見遺

冀州客舍酒酣貽王綺寄題南樓

王綺

一作

何作

一作

一作

夫子微常調詔書下徵求知君欲謁帝扶馬
趨西州逸足何駸駸美聲實風流富學賡清
詞下筆不能休君家一何盛赫奕難為儔伯
父四五人同時為諸侯憶昨始相值值君客
貝丘相看復乘興攜手到冀州前日在南縣
與君上北樓野曠不見山白日落草頭客舍
梨花繁深花隱鳴鳩南鄰新酒熟有女彈箏
篴醉後或狂歌酒醒滿離憂主人不相識此
地難淹留吾廬終南下堪與王孫遊何當肯
相尋澧上一孤舟

北庭西郊侯封大夫受降回軍獻上
胡地首酋美輪臺征馬肥大夫討匈奴前月
西出師甲兵未得戰降虜來如歸橐駝何連

一作

連宵帳亦繁陰山烽火滅劍水羽書稀却
突霍嫺姚區區徒爾為西郊侯中軍平沙懸
落暉驛馬從西來雙節夾路馳喜鵲捧金印
蛟龍盤畫旗如公未四十富貴能及時直上
排青雲傍者疾若飛前年斬樓蘭去歲平月
支天子日殊寵朝廷方見推何幸一書生忽
蒙國士知側身佐戎幕歛衽事邊陲自逐定
遠侯亦着短後衣近來能走馬不弱并州兒
使交河郡熱無雨雪東封其地苦
奉使按胡俗平明發輪臺暮投交河城火山
赤崔嵬九月尚流汗炎風吹沙埃何事陰陽
工不遣雨雪來吾君方憂邊分閭資大才昨
者新破胡安西兵馬回鐵關控天崖萬里何
遑哉煙塵不敢飛白草空皚皚軍中日無事
醉舞傾金盞漢代李將軍微功今可哈

秋夜宿僊遊寺南涼堂呈謙道人

太乙連太白兩山知幾重路盤石門窄匹馬
行才通日西到山寺林下逢支公昨夜山北
時星屋聞此鍾秦女去已久僊臺在中峯簫
聲不可聞此地留遺蹤石潭積黛色每歲投

一作東如

前一作清

一作晚寒
一作初寒
一作紅

金龍亂流爭迅湍噴薄如雷風夜來聞清磬
月出蒼山空山滿清光水樹相玲瓏四廊
映密竹秋殿隱深松燈影落前溪夜宿水聲
中愛茲林巒好結宇向溪東相識唯山僧鄰
家一釣翁林晚栗初折枝寒梨已紅物幽興
易愜事勝趣彌濃願謝區中緣永作金人宮
寄報東華客舊籍爾何容

上嘉州青衣山中峯題惠淨上人幽
居寄兵部楊郎中并序

青衣之山在大江之中屹然迥絕崖巒蒼
峭周廣七里長波四匝有惠淨上人廬于
其顛唯繩牀竹杖而已恒持蓮華經十年
不下山余自公浮舟聊一登眺友人夏官
弘農楊侯清談之士也素工為文獨立于
世與余有方外之約每多獨往之意今者
幽獨勝槩歎不得與此公俱爰命小吏刮
磨石壁以識其事乃詩之達楊友爾

青衣誰開鑿獨在水中央浮舟一躡攀側迤
沿穹蒼絕頂訪老僧豁然登上方諸嶺一何
小三江奔茫茫蘭若向西開峨眉正相當猿

鳥舉鐘磬松蘿泛天香江雲入袈裟山月吐
繩牀早知清淨理久乃機心忘尚以名宦拘
束未夷瘴鄉吾友不可見鬱為尚書郎早歲
愛丹經留心向青囊淑耿雲智遠幽幽海懷
長勝賞欲與俱引領遙相望為政愧無術分
憂幸時康君子滿天朝老夫憶滄浪况值廬
山遠袖簪歸法王

自潘陵尖還少室居止秋夕憑眺

草堂近少室夜靜聞風松月出潘陵尖照見
十六峯九月山葉赤溪雲淡秋客火點伊陽
村煙浮嵩角鐘尚子不可見蔣生難再逢勝
慨只自知佳趣為誰濃昨詣山僧期上到天
壇東向下望雷雨雲間見回龍久與人群疎
轉愛丘壑中心淡水木會興幽魚鳥通稀微
了自釋出處乃不同况本無官情誓將依道
風

陪狄員外早秋登府西樓因呈院中
諸公

常愛張儀樓西山正相當千峯帶積雪百里
臨城墻煙氛掃晴空草樹映朝光車馬隘百

思一作思

當一作人

野一作曠

鼎一作方

井里閉盤二江亞相自登壇時危安此方威
 聲振蠻貊惠化鍾華陽旌節羅廣庭戈鋌凜
 秋霜階下虬虎士幕中鴛鴦行今我忽登臨
 顧思不忘鄉知己猶未報鬢毛飄已蒼時命
 難自知功業豈暫忘蟬鳴秋城夕鳥去江天
 長兵馬休戰爭風塵尚蒼茫誰當共携手賴
 有冬官郎

登嘉州凌雲寺作

寺出飛鳥外青峯戴朱樓搏躋躋半空喜得
 登上頭殆知宇宙闕下看三江流天晴見峨
 眉如向波上浮迥野煙景豁陰森棕柏稠願
 割區中緣永絕塵外遊回風吹虎穴片雨當
 龍湫僧房雲濛濛夏月寒飈颭回合俯近郭
 寥落見遠舟勝槩無端倪天宮可淹留一官
 詎凡道欲去令人愁

與高適薛據同登慈恩寺

塔勢如湧出孤高聳天宮登臨出世界磴道
 盤虛空突兀壓神州崢嶸如鬼工四角礙白
 日七層摩蒼穹下窺指高鳥俯聽聞驚風連
 山若波濤奔湊似朝東青槐夾馳道宮館何

第一作景

玲瓏秋色從西來蒼然滿關中五陵北原上
 萬古青濛濛淨理了可悟勝因風所宗誓將
 掛冠去覺道資與窮一作學道

登北庭北樓呈幕中諸公

嘗讀西域傳漢家得輪臺古塞千年空陰山
 獨崔嵬二良近西海六月秋風來日暮上北
 樓殺氣凝不開大荒無鳥飛但見白龍堆舊
 國眇天末歸心日悠哉上將新破胡西郊絕
 煙埃邊城寂無事撫劍空徘徊幸得趨幕中
 托身厠群才早知安邊計未盡平生懷

登千福寺楚金禪師法華院多寶塔

多寶滅已久蓮華付吾師寶塔凌太虛忽如
 湧出時數年功不成一志堅自持明主親夢
 見世人今始知千家獻黃金萬匠磨琉璃既
 空秦山木亦罄天庖贊焚香如雲屯幡蓋翻
 珊垂憲章神繞護衆魔不敢窺作禮觀靈境
 聞香方證疑庶割區中緣脫身恒在茲

宿太白東溪李老舍寄弟姪

渭上秋雨過北風正騷騷天晴諸山出太白
 峯最高主人東溪老兩耳生長毫遠近知百

歲子孫皆二毛中庭井欄上一架獼猴桃石
泉飯香粳酒甕開新糟愛茲田中趣始悟世
上勞我行有勝事書此寄爾曹

出關經華岳寺訪法華雲公

華寺聊解鞍偶見法華僧開門對西嶽石磴
青枝層竹逕厚蒼苔松門盤紫藤長廊列古
畫高殿懸孤燈五月山雨熱三峯火雲蒸側
聞樵人言深谷猶積水久願尋此山至今嗟
未能謫宦忽東走王程苦相仍欲去戀雙樹
何由窮一衆月輪吐山郭夜色空清澄

潭石涼望秦嶺微雨貽友人

昨夜雲際宿旦從西峯回不見林中僧微雨
潭上來諸峯皆晴翠秦嶺獨不開石鼓有時
鳴秦王安在哉東南雲開處突兀猶疑基崖
口懸瀑流半空白燈燈噴僻四時雨傍村終
日雷北瞻長安道日夕多塵埃若訪張仲蔚
衡門滿蒿萊

南池夜宿思王屋青蘿舊齋

池上卧煩暑不櫛復下巾有時清風來自謂
羲皇人天晴雲歸盡雨洗月色新公事常不

閑道書日生塵早年家王屋五別青蘿春安
得還舊山東漢垂釣綸

題華嚴寺環公禪房

寺南幾十峯峯翠晴可掬朝從老僧飯昨日
崖口宿錫杖倚枯松繩牀映深竹東溪草堂
路來往行自熟生事在雲山誰能復羈束

峨眉東脚臨江聽猿懷二室舊廬

峨眉煙翠新昨夜秋雨洗分明峯頭樹倒挿
秋江底久別二室間圖陀五斗米哀猿不可
聽北客欲流涕

春半與群公同遊元慶士別業

郭南處士宅門外羅群峯勝槩忽相引春華
今正濃山厨竹裏爨焚碓藤間春對酒雲數
片捲簾花萬重巖泉嗟到晚州縣欲歸慵草
色帶朝雨灘聲兼夜鐘愛茲清俗慮何事老
塵容况有林下約轉懷方外蹤

終南兩峯草堂

欽跡歸山田息心謝時筆書還草堂臥但見
雙峯對興未資佳遊事慙符勝槩著書高意
下日夕見城內曩為世人誤逐負生平愛久

破一作飲

與林壑辭及來杉松大偶茲精廬近數獲名
僧會有時逐然漁盡日不冠帶崖口上新月
石門破蒼靄色向群木深光推一潭碎緬懷
鄭生谷頗憶嚴子瀨勝事猶可追斯人邀千
載

東歸留題太常徐卿草堂

在蜀

不謝古名將吾知徐太常年纔三十餘勇冠
西南方頃曾策匹馬獨出持兩槍虜騎無數
來見君不敢當漢將小衛霍蜀將凌關張卿
月益清澄將星轉光芒復居少城北遙對岷
山陽車馬日盈門賓客常滿堂曲池蔭高樹
小逕穿叢篁江鳥飛入簾山雲來到牀題詩
芭蕉滑對酒撥花香諸將射獵時君在翰墨
場聖主賞勲業邊城最輝光與我情綢繆相
知久芬芳忽作萬里別東歸三峽長

過王判官西津所居

勝迹不在遠愛君池館幽素懷巖中諾宛得
塵外遊何必到清溪忽來見滄洲潛移岷山
石暗引巴江流樹密晝先夜竹深夏已秋沙
鳥上筆牀溪花簫簾釣夫子賤簪冕注心向

一作生約
借本作倫

林丘落日出公堂垂綸束釣舟賦詩憶楚老
載酒隨江鷗脩然一傲吏獨在西津頭

田假歸白閣西草堂

雷聲傍太白雨在八九峯東望白閣雲半入
紫閣松勝藥紛滿目衡門趣彌濃幸有數畝
田得延二仲蹤早聞達士語偶與心相通悞
徇一微官還山愧塵容釣竿不復把野雉無
人春惆悵飛鳥盡南溪聞夜鐘

太一石鰲崖口潭舊廬招王學士

驟雨鳴漸瀝颶颶溪谷寒瑤潭千餘尺下見
蛟龍蟠石門吞衆流絕岸呀層巒幽趣倏萬
變奇觀非一端偶逢干祿徒十年皆小官抱
板尋舊園弊廬臨迅湍君子滿清朝小人思
掛冠釀酒澆松子引泉通竹竿何必濯滄浪
不能釣嚴灘此地可遺老勸君來考槃

左僕射相國冀公東齋幽居同黎拾

遺所獻

丞相百僚長兩朝居此官成功雲雷際翊聖
天地安不矜南宮貴祗向東山看宅占鳳城
勝窓中雲嶺寬午時松軒夕六月藤齋寒玉

佩賢女蘿金印耀牡丹山蟬上衣桁野鼠緣
藥盤有時披道書竟日不着冠幸得趨省闈
常欣在門闌何當復持衡短翮期風搏

過緹山王處士黑石谷隱居

舊居緹山下偏識緹山雲處士久不還見雲
如見君別來逾十秋兵馬日紛紛青溪開戰
場黑谷屯行軍遂令巢由輩遠逐麋鹿群獨
有南澗水潺湲如昔聞

林臥

偶得魚鳥趣復茲水木涼
遶峯帶雨色落日搖川光
曰中西山藥袖裏淮南方
唯愛隱几時獨遊無何鄉

緹山西峯草堂作

結廬對中岳青翠常在門
遂耽水木興盡作漁樵言
頃來闕章句但欲開心鬼
日色隱空谷蟬聲喧暮村
褰開道士語偶見清淨源
隱几聞吹葉乘秋眺歸根
獨遊念求仲開閑逕招王
孫片雨下南澗孤峯出東
原樓遲應益澹脫畧道彌
敦野靄晴拂枕客帆遙入
軒尚平今何在此意誰與
論佇立雲去盡蒼蒼月開

園

觀楚國寺瑋上人寫一切經院南有
曲池深竹

瑋公不出院群木閑深居誓寫一切經欲向
萬卷餘揮毫散林鵲研墨驚池魚音韻四句
偈字譯五天書鳴鐘竹陰晚汲水桐花初雨
氣濕衣鉢香煙泛庭除此地日清淨諸天應
未如不知將錫杖早晚躡空虛

驪姬墓

驪姬北原上閭骨已千秋澹水日東注惡名
終不流獻公恣耽惑視子如仇讐此事成蔓
草我來逢古丘峨眉山月落蟬聲野雲愁欲
吊二公子橫汾無輕舟

東歸晚次潼關懷古

暮春別鄉樹脫景低津樓伯夷在首陽欲往
無輕舟遂登開城望下見洪水流自從巨靈
開流血千萬秋行行潘生賦赫赫曹公謀川
上多往事淒涼滿空洲

楚夕旅泊古興

獨鶴唳江月孤帆凌楚雲秋風冷蕭瑟蘆花

惟愛作
誰見

淺一作弄

一作盡

一作弄
一作潤

一作蘭